



1. Kolo prikazano na slici nalazi se u stacionarnom stanju prije zatvaranja prekidača. Ulaz u kolo je napon izvora konstantnog napona od 12 V. Izlaz je struja kroz induktivitet  $i(t)$ . Odrediti  $i(t)$  za  $t > 0$ .




**Rješenje:**

U trenutku  $t = 0^-$  prekidač je otvoren i kolo je u ustaljenom stanju pošto je izvor jednosmjernog napona na ulazu, pa kalem predstavlja kratki spoj. Tada važi



$$i(0^-) = \frac{12}{6+6} = 1 \text{ A}$$

Nakon zatvaranja prekidača, kolo ima izgled



Ako se napiše KZS za čvor A

$$i_1(t) = i_2(t) + i(t)$$

zna se da važi

$$\left. \begin{aligned} u_2(t) &= 6i_2(t) \\ u_L(t) &= L \frac{di(t)}{dt} \end{aligned} \right\} \rightarrow i_2(t) = \frac{1}{6} L \frac{di(t)}{dt}$$

Sada se može zapisati jednačina za KZN za konturu koju čini izvor sa otpornicima

$$6i_1(t) + 6i_2(t) = u_s(t) \rightarrow 6(i_2(t) + i(t)) + 6i_2(t) = u_s(t) \rightarrow 12i_2(t) + 6i(t) = u_s(t)$$

ako se zamjeni raniji izraz za  $i_2(t)$

$$12 \frac{1}{6} L \frac{di(t)}{dt} + 6i(t) = u_s(t) \rightarrow (2LD + 6)i(t) = u_s(t) \rightarrow \left( D + \frac{3}{L} \right) i(t) = \frac{1}{2L} u_s(t)$$

što predstavlja RUI za kolo. Ako se zamjeni vrijednost napona izvora

$$\left( D + \frac{3}{L} \right) i(t) = \frac{1}{2L} 12 = \frac{6}{L}$$

Rješenje posmatrane diferencijalne jednačine traži se u obliku

$$i(t) = i_h(t) + i_p(t)$$

gdje je rješenje homogene diferencijalne jednačine oblika

$$i_h(t) = A e^{s_1 t}$$

a  $s_1$  je korjen karakteristične jednačine

$$s + \frac{3}{L} = 0 \rightarrow s_1 = -\frac{3}{L}$$

pa važi

$$i_h(t) = Ae^{-\frac{3}{L}t}$$

Partikularno rješenje je oblika eksitacije, a to znači konstante, pa je

$$i_p(t) = B$$

zamjenom u diferencijalnu jednačinu

$$\left(D + \frac{3}{L}\right)i_p(t) = \frac{6}{L} \rightarrow \frac{3}{L}B = \frac{6}{L} \rightarrow B = 2$$

pa je traženo rješenje oblika

$$i(t) = Ae^{s_1 t} + B = Ae^{-\frac{3}{L}t} + 2$$

Preostala konstanta određuje se na osnovu poznatog početnog uslova, a to je

$$i(0^-) = i(0^+) = 1 = A + 2 \rightarrow A = -1$$

pa je konačno rješenje


$$i(t) = -e^{-\frac{3}{L}t} + 2$$

## II način određivanja konstanti

Ako se posmatra rješenje RUI u obliku

$$i(t) = Ae^{-at} + B$$

Prvo se posmatra trenutak  $t = 0^-$ , tada je kolo u ustaljenom stanju, pa je kalem kratki spoj a kolo je




$$i(0^-) = \frac{12}{12} = 1$$

a zna se da zbog neprekidnosti struje u kalemu važi

$$i(0^-) = i(0^+) = A + B = 1$$

Kolo u trenutku  $t = \infty$  ima izgled



Kolo je u ustaljenom stanju, pa važi

$$i(\infty) = \frac{12}{6} = 2 = B$$


slijedi da važi

$$A = -1$$

Tražena konstanta  $a$  je prema definiciji

$$a = \frac{R_T}{L}$$

Posmatra se kolo nakon zatvaranja prekidača radi određivanja Teveninove otpornosti na mjestu grane koja sadrži induktivnost.



sada je

$$R_T = \frac{6 \cdot 6}{12} = 3 \Omega$$


sada je tražena konstanta

$$a = \frac{R_T}{L} = \frac{3}{L} \rightarrow \tau = \frac{L}{3} = \frac{8}{3} = 2.67 \text{ s}$$

konačno rješenje je


$$i(t) = -e^{-\frac{3}{L}t} + 2, \quad t > 0$$

2. U kolu prikazanom na slici, struja strujnog izvora se u trenutku  $t = 0$  mijenja sa vrijednosti 5 A na vrijednost 10 A. Primjenom klasičnog metoda odrediti  $i(t)$  i napon  $u(t)$  za  $t > 0$ .




**Rješenje:**

Posmatra se trenutak  $t = 0^-$ , tada je kolo u ustaljenom stanju, pa je kalem kratki spoj i važi



$$i(0^-) = 5 \text{ A}$$

U trenutku  $t = 0^+$  u kolu radi strujni izvor sa strujom 10 A, pa je kolo



Ako se napiše relacija za KZS za označeni čvor

$$i_R(t) + i(t) = 10$$

zna se da važi

$$i_R(t) = \frac{1}{R} u_R(t) = \frac{1}{R} u(t) = \frac{1}{R} L \frac{di(t)}{dt} = \frac{1}{4} L \frac{di(t)}{dt}$$

zamjenom u prethodnu relaciju

$$\frac{1}{4}L \frac{di(t)}{dt} + i(t) = 10 \rightarrow \left(\frac{L}{4}D + 1\right)i(t) = 10 \rightarrow \left(D + \frac{4}{L}\right)i(t) = \frac{4}{L}10$$

što predstavlja RUI za dato kolo. Rješenje je u obliku

$$i(t) = i_o(t) + i_p(t)$$

gdje je rješenje homogene diferencijalne jednačine u obliku

$$i_o(t) = Ae^{s_1 t}$$

gdje je  $s_1$  korjen karakteristične jednačine

$$s + \frac{4}{L} = 0 \rightarrow s_1 = -\frac{4}{L}$$

pa je

$$i_o(t) = Ae^{-\frac{4}{L}t}$$

Partikularno rješenje je oblika eksitacije, pa važi

$$i_p(t) = B$$

zamjenom u RUI dobija se

$$\left(D + \frac{4}{L}\right)i_p(t) = \frac{4}{L}10 \rightarrow \frac{4}{L}B = \frac{4}{L}10 \rightarrow B = 10$$

Sada je tražena struja

$$i(t) = Ae^{-\frac{4}{L}t} + B = Ae^{-\frac{4}{L}t} + 10, \quad t > 0$$

Preostala konstanta određuje se na osnovu početnog uslova

$$i(0^-) = 5 \text{ A}$$

a na osnovu neprekidnosti struje kalema važi

$$i(0^-) = i(0^+) = A + 10 = 5 \rightarrow A = -5$$

pa je tražena struja

$$i(t) = -5e^{-\frac{4}{L}t} + 10 = -5e^{-8t} + 10, \quad t > 0$$

a traženi napon na kalemu je


$$u(t) = L \frac{di(t)}{dt} = 0.5(40e^{-8t}) = 20e^{-8t}, \quad t > 0$$

## II način određivanja konstanti

Posmatra se oblik rješenja


$$i(t) = Ae^{-at} + B, \quad t > 0$$

U trenutku  $t = 0^-$  kolo je u ustaljenom stanju sa strujnim izvorom od 5A, a kalem predstavlja kratki spoj pa važi



$$i(0^-) = 5 \text{ A} \rightarrow i(0^+) = 5 \text{ A} \rightarrow A + B = 5$$

U trenutku  $t = \infty$  kolo je u ustaljenom stanju sa strujnim izvorom od 10A, a kalem predstavlja kratki spoj pa važi




$$i(\infty) = 10 \text{ A} \rightarrow B = 10$$

pa je

$$A = -5$$

Konstanta  $a$  se definiše kao

$$a = \frac{R_T}{L}$$



$$R_T = 4 \Omega$$


Sad je tražena struja

$$i(t) = -5e^{-\frac{4}{L}t} + 10 = -5e^{-8t} + 10, \quad t > 0$$

a traženi napon na kalemu je

$$u(t) = L \frac{di(t)}{dt} = 0.5(40e^{-8t}) = 20e^{-8t}, \quad t > 0$$

3. Za kolo dato na slici ulaz je naponski izvor  $v_s(t) = 8 - 15h(t)$  [V]. Izlaz je napon na kondenzatoru. Odrediti izlazni napon kola i vremensku konstantu  $\tau$ .



### Rješenje:

Ako se napiše KZN za konturu

$$-u_s(t) + 6i(t) + u_o(t) = 0$$

Zna se da je struja kondenzatora

$$i_c(t) = C \frac{du_o(t)}{dt} = i(t)$$

pa slijedi

$$-u_s(t) + 6C \frac{du_o(t)}{dt} + u_o(t) = 0$$

transformacijom izraza dolazi se do

$$(6CD + 1)u_o(t) = u_s(t) \rightarrow \left(D + \frac{1}{6C}\right)u_o(t) = \frac{1}{6C}u_s(t)$$

Kako je izvor definisan kao

$$v_s(t) = 8 - 15h(t) = \begin{cases} 8, & t < 0 \\ -7, & t \geq 0 \end{cases}$$

Dakle, za  $t < 0$   $u_s(t) = 8$ . To je jednosmjerni napon pa je struja u ustaljenom stanju i jednaka je nuli jer kondenzator predstavlja prekid. Napon na kondenzatoru u trenutku  $0^-$  je prema tome jednak 8V.

$$u_o(0^-) = 8 \text{ V -početni uslov}$$

Za  $t > 0$ , važi

$$u_s(t) = -7 \text{ V}$$

Sada je relacija ulaz izlaz

$$\left(D + \frac{1}{6C}\right)u_o(t) = -\frac{7}{6C}$$

Rješenje ove diferencijalne jednačine traži se u obliku

$$u_o(t) = u_{oh}(t) + u_{op}(t)$$

gdje su

$u_{oh}(t)$  – rješenje homogene diferencijalne jednačine

$u_{op}(t)$  – partikularno rješenje

Prvo se posmatra homogena diferencijalna jednačina

$$\left(D + \frac{1}{6C}\right)u_o(t) = 0$$

karakteristična jednačina je

$$s + \frac{1}{6C} = 0$$

sa korjenom

$$s_1 = -\frac{1}{6C}$$

sada homogeno rješenje ima oblik

$$u_{oh}(t) = Ae^{s_1 t} = Ae^{-\frac{1}{6C}t}$$

Partikularno rješenje ima oblik pobude, a ona je konstantna pa važi

$$u_{op}(t) = B$$

ako se zamjeni u diferencijalnu jednačinu na početku

$$\left(D + \frac{1}{6C}\right)u_{op}(t) = -\frac{7}{6C} \rightarrow \left(D + \frac{1}{6C}\right)B = -\frac{7}{6C} \rightarrow B = -7$$

sada je konačno rješenje oblika

$$u_o(t) = Ae^{-\frac{1}{6C}t} - 7$$

Preostala konstanta određuje se iz zadatog početnog uslova

$$u_o(0^-) = u_o(0^+) = 8$$

$$u_o(0^+) = A - 7 = 8 \rightarrow A = 15$$

Sada je traženi napon

$$u_o(t) = 15e^{-\frac{1}{6C}t} - 7, \quad t \geq 0$$

a može se pisati i kao


$$u_o(t) = \begin{cases} 8, & t < 0 \\ 15e^{-\frac{1}{6C}t} - 7, & t \geq 0 \end{cases}$$

**Napomena:**

Ako se posmatra rješenje diferencijalne jednačine

$$u_o(t) = Ae^{-\frac{1}{6C}t} + B = Ae^{-at} + B$$


njene konstante mogu biti određene i na drugi način. Ako se posmatra kolo u trenutku  $0^-$ , ono izgleda kao na slici



kao se zna


$$\left. \begin{array}{l} u_o(0^-) = 8 \\ u_o(0^+) = A + B \end{array} \right\} \rightarrow A + B = 8$$

Drugi krajnji trenutak koji se posmatra je  $t = \infty$ , tada će napon na kondenzatoru biti jednak naponu u ustaljenom stanju na kondenzatoru nakon promjene ulaznog napona, pa je šema




$$u_o(\infty) = Ae^{-\frac{1}{6C}\infty} + B = B = -7$$

Konstanta  $a$  za kolo određuje se iz vremenske konstante  $\tau$  koja se računa pomoću kapacitivnosti kondenzatora  $C$  i Teveninovog otpora kola za granu u kojoj je kondenzator.



$$\frac{1}{a} = \tau = R_T C \rightarrow a = \frac{1}{R_T C} = \frac{1}{6 \cdot 66.7 \cdot 10^{-3}} = 2.5 \frac{1}{s} \rightarrow \tau = 0.4 s$$

4. Ulaz u kolo prikazano na slici je  $u_s(t)$ . Izlaz je napon na kondenzatoru  $u_o(t)$ . Odrediti napon  $u_o(t)$  ako je  $u_s(t) = 3+3h(t)$  V.




**Riešenje:**

Ako se napon izvora napiše u obliku

$$v_s(t) = 3 + 3h(t) = \begin{cases} 3, & t < 0 \\ 6, & t \geq 0 \end{cases}$$

Tada je u trenutku  $t = 0^-$  u kolu ustaljeno stanje. Izvor je jednosmjerni sa naponom 3V, a kondenzator predstavlja otvorenu granu. Napon na krajevima kondenzatora je



$$u_o(0^-) = 6i = 6 \frac{3}{9} = 2 \text{ V}$$

Time je definisan početni uslov.

Potrebno je napisati relaciju ulaz-izlaz. Posmatra se kolo za  $t \geq 0$ . Ako se napiše KZS za čvor A.

$$i_1(t) = i_2(t) + i_3(t)$$

zna se da važi

$$i_3(t) = i_c(t) = C \frac{du_o(t)}{dt}$$

$$i_2(t) = \frac{1}{6} u_o(t)$$

dobija se

$$i_1(t) = \frac{1}{6} u_o(t) + C \frac{du_o(t)}{dt}$$

Ako se napiše KZN za konturu koju čine izvor i otpornici

$$3i_1(t) + 6i_2(t) = u_s(t)$$

ako se zamjene izrazi za struje u posljednju relaciju onda je

$$3 \left( \frac{1}{6} u_o(t) + C \frac{du_o(t)}{dt} \right) + 6 \frac{1}{6} u_o(t) = u_s(t) \rightarrow \left( 3CD + \frac{3}{2} \right) u_o(t) = u_s(t) \rightarrow \left( D + \frac{1}{2C} \right) u_o(t) = \frac{1}{3C} u_s(t)$$

Ako se posmatra relacija za  $t \geq 0$  može se pisati

$$\left( D + \frac{1}{2C} \right) u_o(t) = \frac{1}{3C} 6 = \frac{2}{C}$$

Posmatrana diferencijalna jednačina ima rješenje oblika

$$u_o(t) = u_{oh}(t) + u_{op}(t)$$

gdje su



$u_{oh}(t)$  – rješenje homogene diferencijalne jednačine

$u_{op}(t)$  – partikularno rješenje

gdje homogeno rješenje ima oblik

$$u_{oh}(t) = Ae^{s_1 t}$$

gdje je  $s_1$  korjen karakteristične jednačine

$$s + \frac{1}{2C} = 0 \rightarrow s_1 = -\frac{1}{2C}$$

Partikularno rješenje ima oblik pobude, a ona je konstantna pa važi

$$u_{op}(t) = B$$

Ako se partikularno rješenje zamjeni u RUI

$$\left(D + \frac{1}{2C}\right)u_p(t) = \frac{2}{C} \rightarrow \frac{1}{2C}B = \frac{2}{C} \rightarrow B = 4$$

Sada je rješenje oblika

$$u_o(t) = Ae^{-\frac{1}{2C}t} + 4$$

Nedostajuća konstanta određuje se iz početnih uslova

$$u_o(0^-) = u_o(0^+) = A + 4 = 2 \rightarrow A = -2$$

Sada se može pisati konačno rješenje


$$u_o(t) = \begin{cases} 2, & t < 0 \\ -2e^{-\frac{1}{2C}t} + 4, & t \geq 0 \end{cases}$$

## II način određivanja konstanti

Ako se zna da je rješenje oblika

$$u_o(t) = Ae^{-\frac{1}{2C}t} + B = Ae^{-at} + B, \quad t > 0$$

Prvo se posmatra trenutak  $t = 0^-$ , tada je šema




a kako je  $i$  ranije dobijeno važi

$$u_o(0^-) = 6i = 6 \frac{3}{9} = 2 \text{ V}$$

a kako zbog uslova neprekidnosti napona na kondenzatoru važi

$$u_o(0^-) = u_o(0^+) = A + B = 2$$

Drugi trenutak koji se posmatra je  $t = \infty$ , tada je šema



Režim u kolu je ustaljen, pa važi

$$u_o(\infty) = 6i = 6 \frac{6}{9} = 4 = B$$


odatle slijedi

$$A = -2$$

što je i ranije dobijeno.

Vremenska konstanta kola je

$$\tau = \frac{1}{a} = R_T C$$



Sa slike Teveninova otpornost je

$$R_T = \frac{3 \cdot 6}{3 + 6} = 2\Omega$$

slijedi


$$a = \frac{1}{R_T C} = \frac{1}{2C} = 1000s^{-1} \rightarrow \tau = \frac{1}{a} = 1ms$$

**Napomena** Za kolo sa kalemom vremenska konstanta je

$$\tau = \frac{1}{a} = \frac{L}{R_T}$$

5. Kolo prikazano na slici je u stacionarnom stanju u trenutku  $t=0^-$ . Odrediti  $u(t)$  za  $t>0$  ako je:


- a)  $L=4$  H
- b)  $L=3$  H
- c)  $L=2.4$  H



**Rješenje:**

- a)  $L=4$  H

Prije otvaranja prekidača kolo je u stacionarnom stanju i izgleda kao na slici




Dakle, kondenzator u kolu u stacionarnom stanju predstavlja prekid a kalem kratak spoj, pa važi

$$i_L(0^-) = \frac{10}{2+3} = 2 \text{ A}$$

$$u_C(0^-) = 0 \text{ V}$$

U trenutku  $t = 0$  dolazi do zatvaranja prekidača, a time i isključivanja izvora iz kola, pa je kolo



Prema KZS može se pisati

$$i_R = i_C + i_L$$

Sa slike se vidi

$$i_R = \frac{1}{3}u_r = -\frac{1}{3}u \quad i_C = C \frac{du}{dt} \quad u_L = L \frac{di_L}{dt}$$

Zamjenom prethodnih relacija u jednačinu iz KZS

$$-\frac{1}{3}u = C \frac{du}{dt} + i_L \rightarrow i_L = -C \frac{du}{dt} - \frac{1}{3}u \quad (*)$$

Ako se napiše jednačina prema KZN za konturu koja sadrži kondenzator i induktivnost

$$u_L = u \rightarrow L \frac{di_L}{dt} = u$$

zamjenom prethodno dobijenog izraza za struju kroz kalem

$$LD \left( -C \frac{du}{dt} - \frac{1}{3}u \right) = u \rightarrow \left( LCD^2 + \frac{L}{3}D + 1 \right) u = 0 \rightarrow \left( D^2 + \frac{1}{3C}D + \frac{1}{LC} \right) u(t) = 0$$

ili ako se zamjeni vrijednost za C diferencijalna jednačina ima oblik

$$\left( D^2 + 4D + \frac{12}{L} \right) u(t) = 0$$

Posmatrana diferencijalna jednačina je homogena, pa je njena karakteristična jednačina

$$s^2 + 4s + \frac{12}{L} = 0$$

U dijelu zadatka pod a)  $L=4 \text{ H}$  pa slijedi

$$s^2 + 4s + 3 = 0 \rightarrow s_1 = -1 \quad s_2 = -3$$

pa rješenje ima oblik

$$u(t) = Ae^{s_1 t} + Be^{s_2 t} = Ae^{-t} + Be^{-3t}$$

Potrebno je još odrediti integracione konstante na osnovu zadatih početnih uslova a to su

$$u_C(0^-) = 0 \text{ V} \quad i_L(0^-) = 2 \text{ A}$$

Usljed neprekidnosti napona na kondenzatoru i struje kalema važi

$$u_C(0^-) = u_C(0^+) = 0 \text{ V} \quad i_L(0^-) = i_L(0^+) = 2 \text{ A}$$

pa se može pisati

$$u_C(0^+) = A + B = 0$$

Početni uslov za struju kalema potrebno je transformisati jer se traži napon na kondenzatoru, pa ako se zna da važi iz relacije (\*)

$$i_L(0^+) = -Cu'(0^+) - \frac{1}{3}u(0^+) \rightarrow u'(0^+) = -\frac{1}{C}i_L(0^+) - \frac{1}{3}u(0^+) = -12 \cdot 2 = -24$$

a na osnovu oblika rješenja slijedi da je

$$u'(t) = -Ae^{-t} - 3Be^{-3t} \rightarrow u'(0^+) = -A - 3B = -24$$

Riješivši dobijeni sistem dvije jednačine sa dvije nepoznate, gdje su nepoznate integracione konstante, dolazi se do

$$A = -12 \quad B = 12$$

pa je traženi napon

$$u(t) = 12e^{-t} - 12e^{-3t} = 12(e^{-3t} - e^{-t}), \quad t \geq 0$$

b)  $L=3$  H pa je karakteristična jednačina

$$s^2 + 4s + 4 = 0 \rightarrow s_1 = s_2 = -2$$

pa rješenje ima oblik

$$u(t) = (A + Bt)e^{s_1 t} = (A + Bt)e^{-2t}$$

Postupak određivanja integracionih konstanti je analogan prethodnom slučaju

$$u_C(0^-) = 0 \text{ V} \quad i_L(0^-) = 2 \text{ A}$$

Usljed neprekidnosti napona na kondenzatoru i struje kalema važi

$$u_C(0^-) = u_C(0^+) = 0 \text{ V} \quad i_L(0^-) = i_L(0^+) = 2 \text{ A}$$

pa se može pisati

$$u_C(0^+) = A = 0$$

$$u'(0^+) = -24$$

a na osnovu oblika rješenja slijedi da je

$$u'(t) = Be^{-2t} - 2(A + Bt)e^{-2t} \rightarrow u'(0^+) = B - 2A = -24 \rightarrow B = -24$$

pa je traženi napon

$$u(t) = -24te^{-2t}, \quad t \geq 0$$

c)  $L=2.4$  H pa je karakteristična jednačina

$$s^2 + 4s + 5 = 0 \rightarrow s_{1/2} = -2 \pm j$$

pa rješenje ima oblik

$$u(t) = e^{-2t} (A \cos t + B \sin t)$$

Postupak određivanja integracionih konstanti je analogan prethodnom slučaju

$$u_C(0^-) = 0 \text{ V} \quad i_L(0^-) = 2 \text{ A}$$

Usljed neprekidnosti napona na kondenzatoru i struje kalema važi

$$u_C(0^-) = u_C(0^+) = 0 \text{ V} \quad i_L(0^-) = i_L(0^+) = 2 \text{ A}$$

pa se može pisati

$$u_C(0^+) = A = 0$$

$$u'(0^+) = -24$$


a na osnovu oblika rješenja slijedi da je

$$u'(t) = -2e^{-2t} (A \cos t + B \sin t) + e^{-2t} (-A \sin t + B \cos t) \rightarrow u'(0^+) = -2A + B = -24 \rightarrow B = -24$$

pa je traženi napon

$$u(t) = -24e^{-2t} \sin t, \quad t \geq 0$$

6. U kolu prikazanom na slici odrediti struju  $i_L(t)$  za  $t > 0$  rješavanjem kola u vremenskom domenu, ako je struja izvora  $i_s(t) = 3(1-2h(t))$ .




**Rješenje:**

Struja generatora može se napisati kao

$$i_s(t) = \begin{cases} 3, & t < 0 \\ -3, & t \geq 0 \end{cases}$$

Ako se posmatra trenutak  $t = 0^-$ , kolo je u ustaljenom stanju, pa kalem predstavlja kratki spoj, a kondenzator prekid, pa kolo izgleda kao na slici




pa važi

$$i_L(0^-) = 3 \text{ A}$$

$$u_C(0^-) = 100 i_L(0^-) = 300 \text{ V}$$

Ako se posmatra kolo za  $t \geq 0$



Ako se napišu jednačine prema KZS za označeni čvor

$$i_L(t) + i_C(t) = -3 \rightarrow i_C(t) = -3 - i_L(t) \quad (*)$$

Zna se da važi

$$u_L(t) = L \frac{di_L(t)}{dt}$$

$$i_C(t) = C \frac{du_C(t)}{dt} \quad (**)$$

Ako se napiše jednačina za KZN za RLC konturu,

$$u_C(t) = u_L(t) + u_R(t) = L \frac{di_L(t)}{dt} + Ri_L(t)$$

ako se prethodni izraz za napon kondenzatora zamjeni u relaciju (\*\*) a potom dobijeno zamjeni u relaciju (\*) dobija se

$$CD(LD + R)i_L(t) = -3 - i_L(t) \rightarrow (LCD^2 + RCD + 1)i_L(t) = -3 \rightarrow \left(D^2 + \frac{R}{L}D + \frac{1}{LC}\right)i_L(t) = -\frac{3}{LC}$$

što predstavlja RUI za dato kolo. Rješenje RUI traži se u obliku

$$i_L(t) = i_{Lo}(t) + i_{Lp}(t)$$

Rješenje homogene diferencijalne jednačine dobija se polazeći od karakteristične jednačine

$$s^2 + \frac{R}{L}s + \frac{1}{LC} = 0 \rightarrow s^2 + 1000s + 250000 = 0 \rightarrow (s + 500)^2 = 0$$

korjeni su

$$s_1 = s_2 = -500$$

pa je homogeno rješenje oblika

$$i_{Lo}(t) = (A + Bt)e^{-500t}$$

Partikularno rješenje je oblika eksitacije pa važi

$$i_{Lp}(t) = C_p = \text{const.}$$

zamjenom u RUI dobija se

$$\left(D^2 + \frac{R}{L}D + \frac{1}{LC}\right)i_L(t) = -\frac{3}{LC} \rightarrow \frac{1}{LC}C_p = -\frac{3}{LC} \rightarrow C_p = -3$$

Sada je konačno rješenje oblika

$$i_L(t) = (A + Bt)e^{-500t} - 3, \quad t \geq 0$$

Preostale konstante određuju se na osnovu poznatih početnih uslova.

$$i_L(0^-) = i_L(0^+) = A - 3 = 3 \rightarrow A = 6$$

drugi početni uslov

$$u_C(0^-) = u_C(0^+) = u_L(0^+) + Ri_L(0^+) = Li_L'(0^+) + Ri_L(0^+) \rightarrow i_L'(0^+) = \frac{1}{L}(u_C(0^-) - Ri_L(0^+)) = 0$$


a to znači

$$i_L'(t) = Be^{-500t} - 500(A + Bt)e^{-500t} \rightarrow i_L'(0^+) = B - 500A = B - 3000 = 0 \rightarrow B = 3000$$

slijedi da je tražena struja kalema


$$i_L(t) = (6 + 3000t)e^{-500t} - 3, \quad t \geq 0$$

7. Odrediti  $u(t)$  za  $t > 0$  ako je kolo u stacionarnom stanju u trenutku  $t=0^-$ .



### Rješenje:

Posmatra se kolo u trenutku  $t=0^-$ , tada je prekidač u desnom položaju, a kolo je u stacionarnom stanju, pa kondenzator predstavlja prekid, a kalem kratki spoj, a šema je




sa šeme se vidi

$$i_L(0^-) = \frac{12}{2} = 6\text{A}$$

$$u_C(0^-) = 4\text{V}$$

Sada se posmatra kolo nakon zatvaranja prekidača u drugi položaj, tj. kada važi  $t > 0$ , pa je šema



Lako je primjetiti da je prebacivanjem prekidača u drugi položaj, desni izvor ostao odvojen od ostatka kola. Sa šeme se vidi da važi, prema KZN za konturu koju čine kondenzator izvor i otpornik

$$u_C = 12 - u \quad (*)$$

a zna se da važi

$$u_L = L \frac{di_L}{dt} \quad i_C = C \frac{du_C}{dt}$$

Prema KZS može se pisati

$$i = i_L + i_C$$

a zna se da važi

$$i = \frac{1}{2}u$$

pa zamjenom u prethodnu relaciju dobija se

$$\frac{1}{2}u = i_L + CDu_C \rightarrow i_L = \frac{1}{2}u - CD(12 - u) \quad (**)$$

Ako se napiše jednačina prema KZN za konturu koju čine kondenzator i kalem

$$u_L = u_C \rightarrow LDi_L = 12 - u \rightarrow LD\left(\frac{1}{2}u - CD(12 - u)\right) = 12 - u \rightarrow \left(LCD^2 + \frac{1}{2}LD + 1\right)u(t) = 12$$

i dolazi se do

$$\left(D^2 + \frac{1}{2C}D + \frac{1}{LC}\right)u(t) = \frac{1}{LC}12$$

Rješenje jednačine traži se u obliku

$$u(t) = u_o(t) + u_p(t)$$

Rješenje homogene diferencijalne jednačine  $u_o(t)$  traži se na osnovu karakteristične jednačine

$$s^2 + \frac{1}{2C}s + \frac{1}{LC} = 0 \rightarrow s^2 + 2s + 5 = 0 \rightarrow s_{1/2} = -1 \pm j2$$

pa se rješenje traži u obliku

$$u_o(t) = e^{-t}(A \cos 2t + B \sin 2t)$$

Partikularno rješenje traži se u obliku odgovarajuće eksitacije, koja je konstantna u ovom slučaju pa je

$$u_p(t) = C_p = \text{const.}$$

Zamjenom u diferencijalnu jednačinu

$$\left(D^2 + \frac{1}{2C}D + \frac{1}{LC}\right)u_p(t) = \frac{1}{LC}12 \rightarrow \frac{1}{LC}C_p = \frac{1}{LC}12 \rightarrow C_p = 12$$

pa je oblik konačnog rješenja

$$u(t) = e^{-t}(A \cos 2t + B \sin 2t) + C_p = e^{-t}(A \cos 2t + B \sin 2t) + 12$$

Preostale integracione konstante nalaze se preko početnih uslova

$$i_L(0^-) = \frac{12}{2} = 6A \quad u_C(0^-) = 4V$$

Uzimajući u obzir da se određuje napon  $u(t)$ , potrebno je početne uslove preurediti tako da odgovaraju traženom naponu. Ono što je poznato da važi na osnovu neprekidnosti napona na kondenzatoru i struje u kalemu

$$i_L(0^-) = i_L(0^+) = 6A \quad u_C(0^-) = u_C(0^+) = 4V$$

Na osnovu relacije (\*) važi

$$u_C(0^+) = 12 - u(0^+) = 4 \rightarrow u(0^+) = 8$$

Na osnovu relacije (\*\*) važi

$$i_L(0^+) = \frac{1}{2}u(0^+) + Cu'(0^+) \rightarrow u'(0^+) = \frac{1}{C}i_L(0^+) - \frac{1}{2C}u(0^+) = 4 \cdot 6 - 2 \cdot 8 = 8$$

Sada se može pisati


$$u(0^+) = A + 12 = 8 \rightarrow A = -4$$

$$u'(t) = -e^{-t}(A \cos 2t + B \sin 2t) + e^{-t}(-2A \sin 2t + 2B \cos 2t) \rightarrow u'(0^+) = -A + 2B = 8 \rightarrow B = 2$$

Sada je traženi napon


$$u(t) = e^{-t}(-4 \cos 2t + 2 \sin 2t) + 12, \quad t \geq 0$$

8. Odrediti  $u_1$  i  $u_2$  za  $t > 0$  ako je kolo u stacionarnom stanju za  $t = 0^-$ .



**Rješenje:**

Kako je kolo u trenutku  $t = 0^-$  u stacionarnom stanju, a prekidač otvoren, šema je




Kondenzatori u stacionarnom stanju predstavljaju prekid, pa važi

$$u_1(0^-) = u_2(0^-) = 6V$$

Sada se posmatra kolo za  $t > 0$ , šema je





Poznato je da važi

$$i_{C1} = C_1 \frac{du_1(t)}{dt} \quad i_{C2} = C_2 \frac{du_2(t)}{dt}$$

Ako se napiše KZS za čvor A

$$i_{C1} + i_1 + i_2 = 0 \quad (*)$$

Iz KZN za konturu  $\mu_1$

$$u_1 = 6 + 2i_1 \rightarrow i_1 = \frac{u_1 - 6}{2} \quad (**)$$

Zamjenom relacije (\*\*) u (\*)

$$i_2 = -i_{C1} - i_1 = -C_1 \frac{du_1}{dt} - \frac{1}{2}u_1 + 3$$

Ako se napiše relacija za KZN za konturu  $\mu_2$

$$u_1 = 2i_2 + 10$$

Zamjenom prethodno dobijenog izraza za  $i_2$  u posljednju relaciju

$$u_1 = 2 \left( -C_1 D u_1 - \frac{1}{2} u_1 + 3 \right) + 10 \rightarrow (2C_1 D + 2) u_1 = 16 \rightarrow \left( D + \frac{1}{C_1} \right) u_1 = \frac{1}{C_1} 8$$

Riješavanjem diferencijalne jednačine dobija se rješenje oblika

$$u_1(t) = u_{1o}(t) + u_{1p}(t)$$

gdje se homogeno rješenje dobija na osnovu karakteristične jednačine

$$s + \frac{1}{C_1} = 0 \rightarrow s + 4 = 0 \rightarrow s_1 = -4$$

pa je rješenje homogene diferencijalne jednačine oblika

$$u_{1o}(t) = A e^{s_1 t} = A e^{-4t}$$

Partikularno rješenje ima karakter pobude, a ona je konstanta pa važi

$$u_{1p}(t) = B = const.$$

Zamjenom u polaznu diferencijalnu jednačinu dobija se

$$\left( D + \frac{1}{C_1} \right) u_{1p} = \frac{1}{C_1} 8 \rightarrow \frac{1}{C_1} B = \frac{1}{C_1} 8 \rightarrow B = 8$$

Sada je konačno rješenje oblika

$$u_1(t) = A e^{-4t} + B = A e^{-4t} + 8$$

Preostala konstanta određuje se na osnovu poznatih početnih uslova

$$u_1(0^-) = 6V$$

a usljed neprekidnosti napona kondenzatora važi

$$u_1(0^-) = u_1(0^+) = A + 8 = 6 \rightarrow A = -2$$

Sada je traženi napon  $u_1$

$$u_1(t) = -2e^{-4t} + 8, \quad t \geq 0$$

Sada je potrebno naći napon  $u_2(t)$

Ako se napiše relacija za KZN za konturu  $\mu_3$

$$10 = 2i_C + u_2 = 2C_2 \frac{du_2}{dt} + u_2 \rightarrow (2C_2 D + 1)u_2 = 10 \rightarrow \left( D + \frac{1}{2C_2} \right) u_2 = \frac{1}{2C_2} 10$$

Riješavanjem diferencijalne jednačine dobija se rješenje oblika

$$u_2(t) = u_{2o}(t) + u_{2p}(t)$$

gdje se homogeno rješenje dobija na osnovu karakteristične jednačine

$$s + \frac{1}{2C_2} = 0 \rightarrow s + 2 = 0 \rightarrow s_1 = -2$$

pa je rješenje homogene diferencijalne jednačine oblika

$$u_{2o}(t) = Ae^{s_1 t} = Ae^{-2t}$$

Partikularno rješenje ima karakter pobude, a ona je konstanta pa važi

$$u_{2p}(t) = B = \text{const.}$$

Zamjenom u polaznu diferencijalnu jednačinu dobija se

$$\left( D + \frac{1}{2C_1} \right) u_{1p} = \frac{1}{2C_1} 10 \rightarrow \frac{1}{2C_1} B = \frac{1}{2C_1} 10 \rightarrow B = 10$$

Sada je konačno rješenje oblika

$$u_2(t) = Ae^{-2t} + B = Ae^{-2t} + 10$$

Preostala konstanta određuje se na osnovu poznatih početnih uslova

$$u_2(0^-) = 6V$$

a usljed neprekidnosti napona kondenzatora važi

$$u_2(0^-) = u_2(0^+) = A + 10 = 6 \rightarrow A = -4$$

Sada je traženi napon  $u_2$

$$u_2(t) = -4e^{-4t} + 10, \quad t \geq 0$$